

## **U G O V O R**

### **za nabavku usluge dizajna web stranice Fakulteta**

**Zaključen u Sarajevu, između:**

**Univerzitet u Sarajevu - Fakultet sporta i tjelesnog odgoja, ul. Patriotske lige 41, kojeg zastupa dekan fakulteta prof.dr Haris Alić, (u daljem tekstu: Naručioc)**

**i**

**NeoWeb d.o.o., Tešanjka 11, 71000 Sarajevo, ID broj: 4202800260007, kojeg zastupa Sadeta Mlinarić, direktor (u daljem tekstu: Izvršilac).**

#### **I.Predmet i količina**

##### **Član 1.**

Predmet ovog Ugovora je regulisanje prava i obaveza između Naručioca i Izvršioca, kao izabranog ponuđača, u provedenom direktnom sporazumu za izbor najpovoljnijeg ponuđača za nabavku usluge dizajna web stranice Fakulteta, a u skladu sa Odlukom broj: 01-2961/21 od 24.08.2021. godine o zaključenju direktnog sporazuma za nabavku usluge dizajna web stranice Fakulteta i ponudom Izvršioca, broj: 12/6-21 od 30.06.2021. godine - ponuda protokolisana pod brojem: 01-2362-1/21 od 01.07.2021. godine, koje čine sastavni dio ovog Ugovora.

##### **Član 2.**

Predmet nabavke je nabavka usluge dizajna web stranice Fakulteta i to:

- Izrada prijedloga izgleda i organizacije nove web stranice kako bi ista bila efikasnija i jednostavnija,
  - Nakon što se prijedlog iz prethodne tačke usvoji, razvoj nove web stranice na način da ista mora u svim fazama biti dostupna našim predstavnicima u projektu kako oni mogli pratiti razvoj i ukazivati na eventualne korekcije,
  - Grafičke pripreme za potrebe izrade nove web prezentacije,
  - Migracija kompletnog sadržaja postojeće web stranice na novu vodeći računa o linkovima,
  - SEO Optimizacija stranice kako bi ista bila što bolje pozicionirana na web pretraživačima,
  - Integracija sa društvenim mrežama,
  - Povezivanje sa alatima koji omogućiti detaljno praćenje i analizu korisničkih posjeta,
  - Testiranje svih funkcionalnosti zajedno sa našima predstavnicima i korekcija nedostataka,
  - Obuka za korištenje osnovnih modula web stranice,
- pobliže opisana u specifikaciji Naručioca i ponudi ponuđača broj: 12/6-21 od 30.06.2021. godine - ponuda protokolisana pod brojem: 01-2362-1/21 od 01.07.2021. godine, koje čine sastavni dio ovog Ugovora.

## **II. Rok i mjesto izvršenja**

### **Član 3.**

Izvršilac se obavezuje da će uslugu dizajna web stranice iz člana 2. ovog Ugovora započeti odmah po zaključenju ugovora i istu završiti u roku od 41 radni dan od dana potpisivanja Ugovora.

Naručilac može rok izvršenja Ugovora produžiti na opravdan zahtjev Izvršioca, ako izvršilac iz razloga na koji nije mogao uticati nije u roku od 41 radni dan izvršio obavezu iz Ugovora. Rok produženja izvršenja obaveze ne može biti duži od 30 radnih dana od dana prijema zahtjeva za produženje.

Ako Izvršilac ni u naknadnom roku ne ispuni svoju obavezu, smatra se da je Ugovor raskinut. Ovaj ugovor se zaključuje na period potpune realizacije Ugovora.

Mjesto izvršenja: Univerzitet u Sarajevu - Fakultet sporta i tjelesnog odgoja.

## **III. Cijena i način plaćanja**

### **Član 4.**

Cijena predmeta ovog Ugovora ukupno iznosi 3.480,00 KM (slovima: Trihiljadečetiristotineosamdeset i 00/100KM) bez PDV-a.

Naručilac se obavezuje da će plaćanje usluge dizajna web stranice izvršiti u roku od 30 dana od dana izrade dizajna na žiro račun Izvršioca.

Izvršilac je dužan izdati/sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena na usklađivanje.

Uslove plaćanja i druge uslove koje Izvršilac jednostrano unese u fakturu ne obavezuje Naručioca ni onda kada je fakturu primio, a nije joj prigovorio.

## **IV. Osnovne obaveze Izvršioca**

### **Član 5.**

Pored obaveza predviđenih važećim propisima, Izvršilac se obavezuje da će usluge iz člana 2. ovog Ugovora izvršiti stručno i kvalitetno, u skladu sa pravilima struke i u skladu sa specifikacijom Naručioca i ponudom ponuđača – protokolisana pod brojem: 01-2362-1/21 od 01.07.2021. godine.

Izvršilac se obavezuje da će se usluga izvršiti bez nedostatka koji bi onemogućili nesmetan rad web stranice ili umanjivali njenu vrijednost ili prikladnost za redovnu upotrebu.

Izvršilac se obavezuje da će o svom trošku pri vršenju usluga iz člana 2. ovog Ugovora poduzeti sve odgovarajuće mjere za spriječavanje nastanka štete ili uznemiravanja i otkloniti će izvore opasnosti.

### **Član 6**

Izvršilac nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja Ugovornog organa.

## **Član 7.**

Izvršilac prenosi na Naručioca autorska prava na njegovim proizvodima i materijalima koji su nastali u sklopu ovog Ugovora, te i po prestanku ovog ugovora Naručitelj zadržava neograničeno pravo korištenja istih.

## **V. Osnovne obaveze ugovornog organa**

### **Član 8.**

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. Ovog Ugovora).

## **VI. Nadzor**

### **Član 9.**

Nadzor nad izvođenjem i izvršenjem usluge iz člana 2. ovog Ugovora, u ime Naručioca izvršit će Safet Rašinlić, stručni sradnik za IT.

Sačinjavanje i ovjeru zapisnika o kvalitativnom i kvantitativnom izvršenju usluge izvršit će u ime Naručioca Safet Rašinlić, stručni sradnik za IT.

## **VI. Odgovornost za štetu**

### **Član 10.**

Za nastanak eventualne štete odgovara Izvršilac u skladu sa Zakonom o obligacionim odnosima.

## **VII. Odgovornost za nedostatke**

### **Član 11.**

Naručilac je dužan pregledati pruženu uslugu čim je to redovnom toku stvari moguće i o nađenim nedostacima bez odlaganja obavijestiti Izvršioca.

Ako Naručilac na poziv Izvršioca da pregleda i primi pruženu uslugu to ne uradi bez opravdanog razloga, smatra se da je usluga primljena.

Poslije pregleda i primanja izvršene usluge Izvršilac više ne odgovara za nedostatke koji su se mogli opaziti običnim pregledom, izuzev ako je znao za njih, a nije ih pokazao Naručiocu.

Ako se docnije pokaže neki nedostatak koji se nije mogao otkriti običnim pregledom, Naručilac se ipak može pozvati na njega, pod uslovom da o njemu obavijesti Izvršioca što prije, a najduže u roku od mjesec dana od dana njegovog otkrivanja.

Istekom dvije godine od prijema obavljenog posla, Naručilac se ne može pozvati na nedostatak.

### **Član 12.**

Naručilac koji je uredno obavijestio Izvršioca da pružena usluga ima neki nedostatak može zahtjevati od njega da nedostatak ukloni i za to mu vrijeme odredi primjereni rok.

Naručilac ima pravo i na naknadu štete koju trpi zbog toga.

Ako uklanjanje nedostataka zahtjeva pretjerane troškove, Izvršilac može odbiti da ga izvrši, ali u tom slučaju Naručiocu pripada po njegovom izboru, pravo na sniženje naknade ili raskid ugovora, kao i pravo na naknadu štete.

## **VIII. Ugovorna kazna**

### **Član 13.**

U slučaju kašnjenja u pružanju usluga do kojeg je došlo krivicom odabranog ponuđača isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti radova koji su predmet Ugovora.

Odabrani ponuđač je dužan platiti ugovorenu kaznu u roku od 7 (sedam) dana od dana prijama zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

## **IX. Raskid ugovora**

### **Član 14.**

Naručilac ima pravo raskinuti ovaj Ugovor u slijedećim slučajevima:

- ako Izvršilac ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Naručioca

- ako poslije djelovanja više sile nije moguće nastaviti realizaciju Ugovora

- ako obavljeni posao ima nedostatak zbog kojih je neupotrebljiv ili je obavljen u suprotnosti sa izričitim uslovima Ugovora, specifikacijom Naručioca i ponudom ponuđača

Ugovor može biti raskinut izjavom Naručioca ili Izvršioca u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorene strane su saglasne da ni jedna strana drugoj neće dugovati nikakvo obeštećenje niti nadoknadu i da će u svemu izmiriti međusobne obaveze.

## **X. Ostale odredbe**

### **Član 15.**

Za sve ono što nije regulisano ovim Ugovorom primjenjuju se važeći propisi i poslovni običaji za predmetnu uslugu i Zakon o obligacionim odnosima.

### **Član 16.**

Ugovorene strane su saglasne da eventualna sporna pitanja rješavaju sporazumno, a u slučaju spora nadležan je sud u Sarajevu.

### **Član 17.**

Ugovorne strane su saglasne da je Naručilac vlasnik materijala.

**Član 18.**

Ovaj Ugovor zaključen je u 4 (četiri) istovjetna primjeraka od kojih po dva za svaku ugovornu stranu.

**Izvršilac:**

**NeoWeb d.o.o. Sarajevo**  
**Sadeta Mlinarić, direktor**  
d.o.o.



Broj, 05/24  
Sarajevo, 15. 09. 21. .god.

**Naručilac:**

**Univerzitet u Sarajevu -**  
**Fakultet sporta i tjelesnog odgoja**  
**Prof.dr Haris Alić, dekan**



Broj, 069/124  
Sarajevo, 09-09-2021 .god.